

夏東巖先生詩集卷之五

七言絕句

讀康齋先生集有感

夢想高風何處尋
遺編伏讀感人深
暮年詩句多愁絕
慷慨平生憂道心

婁一齋先生命以詩觀志三首

東風鼓篋孔門前
心事都將付簡編
慨想紫陽風韻遠
不知衣鉢許誰傳

燈下題詩笑目前
盡將心事付青編
夜來始解輸人意
斯道難將靠紙傳



身處言集卷之五
聖賢相繼作于前賴有心期在簡編會意即超行墨
外工夫到此可言傳

書白沙石刻詩後

乾坤規矩只方圓熟處應知妙莫傳試看石翁詩與
字暮年容已落禪顛

次趙元默韻二首

潮上江門六月寒臨風一軟換脾肝也知此派源頭
遠更與追尋不作難

衡嶽高哉湘水寒昔賢曾此共脾肝扁舟我欲尋芳
躅南海君來亦不難

寄王陽明三首

同甫有才疑雜伯象山論學近於禪平生景仰朱夫
子心事真如白日懸

陸學也能分義利一言深契晦翁心紛紛同異今休
問請向源頭着意尋

六籍精微豈易窺發明親切賴程朱兵知險阻由鄉
道後學如何可廢茲時贛上用兵故云

觀書有感

古來豪傑力能行却爲當初學未明幸出程朱垂訓
後曉然入道有門庭

枕上偶成三首

靜中消息最難明
念念相承以類生
好似風中置盤
水搖搖漾漾不曾停

須知心以理爲維
外理求心只自迷
要得此心明白
處六經涵泳是吾師

須知心以敬爲樞
外敬求心只自拘
要得此心安泊
處不教莊敬離斯須

觀花有感

千葩萬卉競芳菲
豈是東君着意爲
欲向枝頭問消息
不知含蓄幾多時

花者華也氣之精華也
天地之氣日循根幹
而升到枝頭去不得了
氣之精華遂結爲菩
蕾久則包蓄不住
忽然迸開光明燦爛
如此人能涵泳義理
澆灌此心優游厭飫
而有得焉則其發之
言論措之行事自有
不容已者所謂和順
積中英華發外是也
中庸云誠則形形則
著著則明又云故至
誠無息不息則久久
則徵云云如此者不
見而章不動而變無
爲而誠觀此尤信程
子云物我一理纔明
彼即曉此此合內外
之道也或謂一草一木

不必窮究殆恐未之深思耳

讀莊子書

試讀南華一卷經似於人世已忘情却將所見翻騰
說誰道莊生不愛名

讀擊壤集有感二首

尋常詩酒未忘情雪月風花入品評豈是先生愛高
卧天津曾聽杜鵑聲

倚席閑看三兩詩夜深不覺下樓遲閑中風月吟邊
見始信堯夫是我師

讀杜詩有感

少陵憂不到寒饑老大還將稷契期底事開元全盛
日却教壯士苦吟詩

靜中須有物始得

要識靜中須有物却從動處反而觀湛然一氣虛明
地安得工夫入語言

望靈山

草堂遙見白雲峰隱約煙霞第幾重萬古精華留宇
宙斂襟相對意無窮

同諸生遊東塢

縱橫樵徑似通衢流水泠泠溜決渠清曉共貪秋日

東巖詩集卷之五
好行隨黃犢步紆徐

接官有感

驛路迢迢似砥平馬前何苦事弓旌何如養取三農
力北掃胡塵萬里清

西行次劉仲素韻

細帙收來五夜燈一樽相餞別高僧青雲萬里知非
遠更有人間第一層

與友人論詩二首

悟入深資靜養功好詩觸處自相逢千篇洗盡塵埃
氣妙處還能奪化工

古人芳潤在遺編參透機關落我邊不是金針斲度
汝故應妙處語難傳

寄周廷藩

私根隨處費銷磨翫理深培得力多此意知君先我
會邇來消息定如何

乙丑會試京師逆瑾欲加解額因不入場比回
婁野亭作詩過獎次韻復之

白髮高堂待養時毛生心事有誰知絨詩過獎非吾
意敢向人前負出奇

東巖十溪

雙溪

二水縈紆夾翠煙山中流出白雲前何人結屋臨溪
曲兩派風湍落枕邊

壁溪

千尋峭壁翠盈盈影落寒潭徹底清一曲滄浪人似
玉坐臨深碧濯塵纓

月溪

月上層崖映壁溪溪光月色淡相宜扁舟載酒閑來
往好似東坡赤壁時

龍溪

靈物深蟠百尺淵能教一滴遍遊天桔槔溪上何爲
者須信神功本自然

梅溪

雲谷曾題梅峽詩青山今日見梅溪恨無佳句追芳
躅留與他年話此時

桃溪

白雲深處是桃溪溪上無人花自飛片片莫隨流水
去山中恐惹世人知

松溪

風潭百尺水溶溶潭上亭亭萬樹松坐待夜深明月

東齋詩集 卷之五
上一溪寒影走虬龍

竹溪

沙村翠竹帶清流竹下還堪繫小舟我愛主人渾不俗碧雲深處卧高秋

樵溪

空山流水透雲蘿時有樵蘇步石過添得溪翁無箇事朝朝來此聽樵歌

茶溪

幾曲寒流似建溪芳叢分自建溪湄幽人得此渾清絕莫遣東岡浪品題

劉元素約遊白華不果復以詩來有黃花已過

梅花放不作淵明作浩然之句次韻荅之

蠟屐風煙入莫年梅花消息一陽邊青山早晚隨君約只恐詩成是偶然

寄潘德夫

世降風移俗尚偏聖賢芳潤寄遺編要將詩句追風雅好在山中坐十年

自訟二首

爾髮蕭蕭爾貌蒼壯心何事已淪亡恨非取日虞淵手空自揮戈學魯陽

東巖詩集 卷之五
萬事可容此子偽寸心能貯許多愁茫茫苦海面頭
晚羞向朋簪話舊遊

同德夫曉立南洲

漠漠平沙曉霧橫東雲紅映碧波明宵來星月爛如
許何處雨添春水生

病中東潘德夫

因病方知學養心讀書偏愛入山深
春來萬物如膏沐人在光風倚竹吟

訪葉南巖適飲鄰村經宿未回馳寄此句

觸熱相過兩舍餘誰家有酒滯行車
虛堂坐到忘言

處自起閑翻几上書

與周友同宿

倦向僧房對短檠隔窓借榻有餘情
怪來詩思清如許卧聽東風打竹聲

九日同諸生遊松峰夜宿步雲菴對飲

步雲庵裏駐孤蹤樽酒新開月下封
留取一盃休盡飲明朝扶我上高峰

曉起登松峰絕頂

天風知我欲山行吹散中霄露氣零
試倒殘樽一盃酒等閑飛步上青冥

京口丁補齋先生倅吾郡時常留題于開光院
暇日與諸生同遊因次韻

話欲尋僧意即閑坐忘深入白雲關起來欲去還登
閣詩在千峰落照間

聞李子芳避盜卜居天津橋賦此寄之

鄰寇紛紛逼故園卜居應喜近城邊經綸大業閑中
事莫向津頭聽杜鵑

過周村登樓次康齋先生壁間韻

青山曾屬聘君遊妙墨端爲萬古留愧我未能追遠
躅春風也得一登樓

花橋道中

春泉泱泱草中行出樹幽花遠近明樵牧未歸山路
寂不妨迤邐踏新晴

斗門精舍奉和婁野亭韻

白雲深處坐孤亭吟對松醪醉亦醒坡老風流千載
上幔亭應爲後人銘

次澄之韻二首

幾曲清溪繞舍流數峰晴點碧雲頭無言可辯淵明
意有酒難消杜甫愁

偶得留侯辟穀方免教奔走若痴狂閑來掃地焚香

東坡詩集卷之五
坐種種閑愁忽自忘

登蔣峰絕頂

寡欲能從我輩遊只將山水豁吟眸振衣千仞岡頭
立却笑人間浪白頭

刺周用賓二首

數墨尋行興易闌要知芳潤漱難殘六經本爲民藝
作誰肯將來心上看

要將平地築高臺須把臺基闊放開此量本同天地
大如何酒瀑解翻盃

寄徐可大

相逢何必較窮通須信身窮道未窮提起此心如杲
日肯教埋沒利名中

過嚴子陵釣臺

儒者甘爲莽大夫士風到此固須扶高臺百尺桐江
上潮落潮生夜月孤

泛月

鼓棹中流翫月並湖光渺渺接平沙坐深風露清人
骨似向天河泛碧槎

公署對庭草有感

人心何事苦營營善念端從靜裏萌好似閑庭無客
到不知幽草上階生

架竹引瓠蔓便覺生意條達有感賦此

種瓜延蔓繞闌叢解放高棚便不同要得此心天理
長全憑教義夾持功

東王順渠

要識此心須有用莫教閑適度晨昏斂襟默坐親墳

典理妙吾心夜亦存

飲西山道院

城中花木擁樓臺城外青山萬疊開坐久欲移高處
酌不知風雨度江來

月夜飲劉士鳳公署松下

對酌空庭興未闌相携如入白雲關一般清夜長安
月愛向君家樹上看

寄太虛僧

剜肉成瘡病莫醫無心合道是玄機從來佛法無多
子須識坐忘成坐馳

讀東坡詩

東坡詩語真華妙讀到閑情損道心不及淵明平淡語等閑吟處味偏深

元宵步月

御溝春入水聲新霽雪街衢絕點塵燈市已收兒女靜月明偏趁獨遊人

題扇中鷺

玉立寒塘淺水中相親惟有白頭翁雲衢萬里知非遠肯為魚鰕守故叢

墨竹

經年種竹未成叢淨洗繁枝養籜龍相見莫嫌枝少才多枝葉便多風

同劉士鳳夜話

靜中消息妙天和纔涉言詮語便麓下榻共君三夜話等閑拈出悟來無

辭樣米銀

理欲交尋不暫閑此身容已墮塵凡超凡入聖非難事只在吾心斡轉間

賦得老校歸屯呈汪石潭先生

百戰間關得一生功成未賞即歸耕老來不厭居牛

東坡詩集卷之五
後抱犢深村自在行

雨中燕坐憶魏子才

睡起閑翻古樂辭酒盃忽動雨中思始知心上還多
事不及郊居燕坐時

對雨懷王誕敷

小雨蔬畦憶舊題久無一字慰相思欲知此夕懷人
處獨立溪頭看雨時

題獨齋

萬物從來備我身十分風骨始能任眼中都是胡旋
女誰是痴然不動人

張忠定公令寇萊公看霍光傳

寵利元來是禍機功成周召便思歸萊公未達垂厓
旨一擲澶淵禍已隨

張翰思蓴

江上蓴鱸未足思箇中消息有誰知從來知禍須知
避利欲能昏去就機

曲江返棹

老習刑書分外難等閑丟却夢魂安興來時啓船窓
坐歸路青山更好看

度梅嶺

盤盤石磴渺雲端從古遷人此往還留得芳聲傳後
世梅關端合作賢關

會飲金鰲閣

陳張二公舊遊地也顧不肖不足以當之度
梅關偶得此句呈曾大叅

棹入仙源逗白雲晚登高閣快晴曛緬懷二老風流
遠把酒慙慙愧使君

歸自嶺外由吉永豐取道到新淦夜宿雙林寺
曉枕聞雨聲默誦康齋旅次數詩不勝感仰
因賦此

欲寡身輕任往還空山獨夜旅魂安東西南北無拘
礙一片閑雲宇宙間

過彭澤有感

出爲公田堪釀酒歸來懶作折腰人世間何物能拘
礙信是無懷世上民

過桃花灘艤舟遊龜峰

桃花灘下繫扁舟步入龜峰作勝遊客路偶醒塵土
夢不妨隨處送吟眸

泛鷗潭

過盡窮山煙霧開小舟停棹任沿洄憑誰喚醒羅浮

夢坐我中流亦快哉

登毛毬石

廿里潭如七里埭釣臺高聳似毬峰子陵去後孤蹤
遠誰肯投竿向此中

觀沿途酒榜有感示子姪

到處尋常賣酒家都將標榜向人誇誰知好酒出深
巷醞久香清味自嘉

寄周用賓

坐老蒲團只夢中六經涵泳有神功真源澄徹思能
睿和氣薰蒸道自融

次劉仲素見寄韻

誰分名品傍簷栽花到深秋豈待催欲得好詩添勝
事小車無惜過山來

次方思道見寄韻

丈夫憂不到饑寒利欲勾人有萬端至道無言非外
得寸心灰處即爲丹

題自牧窩

誰解騎牛自覓牛謾勞鞭辟向欄柵請君放向寬平
地每到三叉問路頭

嚴陂小立

東坡詩集卷之五
嚴瀨清風萬古知吾廬新喜傍嚴陂枯槎穩卧垂楊
下留取幽人下釣絲

飲酒有感

酒醴須憑麴蘖為養成氣味亦如之始知成物須成
已勇撤臯比百世師

辯心

出入無時心本活長存長覺更流通紫陽垂訓昭千
古好與何人說異同

辯性

道理平鋪本自明豈容楊墨着私情子輿奚俟閑雄

辯何日從容與子評

跋江山二賢祠錄二首

平生只見朱元晦秦檜何由得面看却恐論心風骨
別恐非明道語龜山

右徐逸平先生

宋室興亡世道關等閑一死重立山千年正氣堂堂
在一體分來鐵作肝

右徐正節先生

即事

雙鶴亭亭鼓喙時幽禽獨唱最高枝乾坤一種閑音
樂只許心中無事知

次許副使見寄韻

東嶽詩集卷之五
滿江風雨趁歸船病骨經年傍母眠試着羊裘弄煙
水夜深飛夢袞龍邊

題張邵守漁隱卷

幽人於事似無堪獨把漁舟弄蔚藍人去江空誰是
主定山明月滿西潭西潭邵守號也

夜坐示諸生

議論紛紛與日新不知何處覓天真愧非打鳳擒龍
手且作尋行數墨人

懷古

丹青曾爲夫子僕淵明與疾用門人一峯高卧金牛

上也有舒剛汲水薪

縉雲丁用晦與一之契厚嘗因一之寄詩用晦

見和有塗人是聖人之句復次韻二首

明德從來在日新直須格物見天真塗人信可爲堯
舜底事今人異古人

聖道如天萬古新六經描畫得其真眼前坐破蒲團
者誰是明心出世人

春日俞純夫過訪携至普照寺兩宿而別

新春偶值古人過兩日禪房共琢磨從此身心加猛
省肯將塵慮擾天和

東坡詩集卷之五
純夫去而余用中繼至復用首句足成

新春又值吉人過麗澤胥漸喜氣多來日幾何須自
惜敢將吾道付蹉跎

和劉仲素題盧玉川煮茶圖

活水分來味更真茶爐煙裊洛城春不知誰是調元
手也放先生只愛貧

劉方伯萬少叅汪憲副約遊西湖二首

三竺歸來松路遙晚涼聊赴玉泉招殷懃莫盡湖邊
酒待月還須度六橋

南北峰高湖水遙萬松夾道似相招鐘聲起處雲藏

寺流水灣灣有石橋

代牧童賦

騎牛遠入白雲關峭壁竒峰指顧間爲惜煙光看不
厭倒騎牛背出青山

靈巖曉起過獨樹庵坐久起招悟悅遍讀諸名

碑偶成

靈巖三宿本無期選勝尋幽未覺疲獨坐虛堂清不
寐起招老衲讀殘碑

貢院諸生雪中勤於誦習賦此美之

兩程衣鉢出風塵師友淵源萬古新門外不知三尺

東坡詩集卷之五
雪坐中渾是一團春

泗水道中用晦翁韻時以尋芳泗水作論題試
諸生鮮有能會其意者故示之

乘春遠渡泗河濱野草開花觸處新會得心中無事
意眼前都是自家春

由泗水往鄒邑同諸生登尼山復用前韻

靜對東風學養心滿腔生意與時新尋芳泗水歸來
處還上尼丘詠莫春

拜闕里屢得與衍聖公昆季及顏孟二博士燕
飲有感賦此

聖賢遺澤浩無窮百世婚姻里閉同生長南荒千載
外冠裳樽俎幸相逢

聖賢遺訓妙無窮學到聞知與見同生長南荒千載
外心源何處得奇逢

同東平諸生拜漢憲王墓

兩漢山河幾變更路人猶指憲王陵只知爲善平生
事不道還留身後名

伏承

魯府諸殿下禮遇之隆雖賢士大夫有所不逮且
各出其世子使聽迂拙之言於此見先王之

東坡詩集卷之五
德厚矣因賦小詩一章使魯諸生誦之冀得
聞於諸世子庶無忘先世之遺澤云

疇昔周公謂魯公只將忠厚啓初封振振公子綿瓜
飛千載猶存吐握風

遊醉翁亭

六一孤蹤未可攀一樽聊此共酩酊登臨何限懷賢
意豈直區區山水間

登環山樓

古木蒼藤映碧峰石橋流水暗相通高臺已占滁陽
勝底事人猶問醉翁

同方定菴楊璞菴西園觀梅

江北梅從二月開看花還共臘前醅如何歲晚冰霜
骨也愛東風拂面來

豐樂亭每疑非其故址暇日尋源獨上得紫微
泉於深谷中信如記中所云欲作亭復歐公
之舊未果也因賦一詩貽龍泉寺僧懷聰聊
寄吾興以志其地耳嗚呼事有曠百世而相
感者豈直一泉石之間而已耶

全椒道士今何處只有山僧似智仙煩結草亭深谷
裏要來長弄石間泉

栢子潭前有王四者年八十餘朴野可愛樊地
一區雜植花果其中因賦此

六一種花人已塵此翁疑是後來身會看幽谷新亭
起煩爲栽花作四鄰

獨遊懷古

唐有韋公宋有歐此邦山水特增幽我來自恨生來
晚不與諸公作伴遊

除夕以青菜餽楊璞菴璞菴以詩謝次韻酬之
林下菜根真有味偶饗肉食墮牢籠欲圖老圃供清
玩生意誰能逼化工

一之姪來滁登環山樓以詩見贈次韻復之
薄宦真爲一飽營公餘亭榭十分清錦城爭似家山
好羞對葵花向我傾

次王荭塘頌 聖駕禱雪韻 四首

嘉靖己丑冬久無雪仲冬望日 聖駕恭臨

南郊祈禱次日大雪千里深且數尺喜動

天顏館閣諸公俱有詩頌偶見王荭塘絕句依
韻奉和聊寓臣子喜幸禱頌之私云

仰瞻仙杖出 鑿坡急雪隨風灑玉珂始識天人無
間處感通道豈在言多

風迴合殿雪初飄
喜動龍顏藹聖朝
欲問此中端的意
堯天風不到鳴條

黎庶關心鎖不眠
慙慙詔旨動盈篇
共看聖德回天處
宗社應知萬萬年

六出誰非聖主心
九重飛處更蕭森
遺蝗入地應千尺
擊壤歡騰治世音

池亭獨坐二首

紅塵飛不到幽居
翼翼孤亭對石渠
欲識主人真樂處
坐臨踈雨看荷珠

暮史朝經足自怡
倦來時復坐臨池
一絲不掛虛明

地萬理應歸融液時

題嶧邑鄭孝子墓

嘉靖庚寅冬予進表北上
道出嶧邑土名拖泥溝
有石坊牌巋然立於田家之門
予竊訝之詢之輿夫知爲鄭孝子
建孝子名臻節婦陳氏年二十寡居
以死自誓爲人推磨爲生撫養孝子
成人娶婦生三子節婦年七十餘
終孝子哀毀骨立既葬孝子哭云
吾母爲我守節至有今日我安忍棄
吾母耶遂結草廬于墓側每日早起
哀泣必進土一畚至午及

東坡詩集卷之五
暮亦如之寒暑不易妻子不得見其面三年
服平方歸歸兩月一日謂人曰吾於某日某
時當死隨吾母衆謂汝無病安有此孝子云
非汝所知至期歛襟坐床上若禪家坐化者
忽自省云如此不好看遂就枕奄然而逝葬
母側鄉里咸哀之有觀風使者聞之命有司
立坊牌表其居里人并刻碑墓前予舊歲奉
勅督學山東未幾有太僕之命坐于不知失上
其事於

朝因拜其墓并賦一詩以洩予哀云

抔土三年傍母眠茹哀歸絕草堂前不才會此司風
化表宅剗碑愧後賢

題吟風弄月臺

道在人心本自融只緣渣滓廢銷鎔紅爐點雪千年
後風月都歸再見中

歸途至靈鷲寺排山周廷珍昆季載酒邀予于
馬家橋周氏別墅在馬環野皆奇峯古木陰
翳流水循除有聲雖盛夏不少衰誠爲吾邑
一勝地坐間俞子言有詩蓋用予舊韻因次
韻二首用誌一時之勝會云

東坡詩集卷之五
野人籬落樹交陰流水堦前送好音邂逅偶成河朔
飲冰盤瓜菓自浮沉

荷有清香月有陰舉盃相屬有知音與來競選莓苔
坐話到無言萬籟沉

曉枕偶成

誅茅也復費經營賴有黃花浣俗情美睡偶從閑處
得小詩聊向夢回成

勝書齋二首

道在吾心本易知只緣私意自昏迷一絲不掛虛明
地萬理都歸融液時

道在吾心本易知只緣私見自支離六經盡說人間
事萬理何勞紙上窺

示貢子

老來萬慮已銷沉只有孳孳好善心能使此心無少
累便知吾子是曾參

木鐸老人警衆賦此示諸幼

占來風化本家庭習善須當自妙齡老我迂踈如木
鐸謾勞饒舌有誰聽

贈唐大尹考滿北上

補齋心不愧水谿膺有清風繫去思老眼又看門下

士一廉如水似當時

送周惟貞之官寧遠

惟貞假令寧遠或者病其荒僻且隘予聞君子當如行雲流水隨所寓而安之矧寧遠近在春陵周茂叔寔生其間則其山川之秀風氣之美計當不下於河洛蓋有欲遊其地而不可得者烏可鄙夷其民以爲不足當吾牛刀小試耶因賦小詩贈之周子云無欲故靜程子云有天德便可語王道其要只在慎獨詩意蓋不出此惟貞勉乎哉

茂叔何曾厭小官南安况近嶺南村襟懷灑落起塵俗伊傅勲名向此論

觀拆鷹架有感四首

欲扶棟宇資鷹架棟宇成時却去之好似韓彭扶漢室功成能不受誅夷

功成能不受誅夷誰似張良早見幾漢業已成甘碎穀冥鴻緇弋果何施

高祖功成靡善終只緣無計制羣雄賢哉光武懲前弊不把兵權付武功

坐談盃酒釋兵權漢祖誰如宋祖賢湯武成功用賢

東巖詩集卷之五
輔分封兩不費猜嫌

嚴陂精舍落成與一之姪對語

芳林遶屋藹清陰時有幽禽送好音
添得鄰翁來共語不知人世有升沉

劉東臯許送菊俟其開送至賦此寄之

看花全在未開時底用繁枝爛熳爲
聞道東籬春意動乞分名品到堦墀

寄夏桂洲

高門日射黃金榜別苑春歸綠野堂
千載靈峰長在眼好來亭上共嚙觴

自詠

早歲相期學業新老來無德洽比鄰
自憐不及庭前樹尚有清陰襲後人

示子姪

利欲滔滔易陸沉等閑歸卧白雲深
相逢止授鄉鄰揖外此從他有萬金

與一之姪懋潭石

怪石如星墮碧灣相携長此弄潺湲
白頭何補人間事好與兒孫作畫看

紀夢

東坡詩集卷之五
舊事無端入夢頻
夢中說夢更非真
心源未淨年華逝
誰是人間無夢人

同一之姪到嚴陂
精舍避暑用舊韻

避暑相携過草堂
陰陰松竹晝生涼
菜羹蔬食延清話
留取儒風善一鄉

勸農

生民之道本於農
二帝三皇政治同
孝弟力田蒙薦擢
漢家猶有古人風

次一之姪韻

花鳥爭春春自深
輕煙長日弄晴陰
東風有面君知

否試看當年點也心

雪中與一之姪對飲
適得澄之詩因次其韻

小樓默坐正書空
誰道衰顏酒借紅
且喜多年無此瑞
不妨深夜一樽同

贈金相士

撫人金廷瑞善風鑑
謂予左眼下有一點黑
氣終有隱憂到老不能去
予謂樂天知命君子事也
予何憂哉憶嘗竊祿於

朝夕矣今雖退老於家而犬馬之心未嘗一日
忘不意金生能得之肩睫間斯亦奇矣因賦

此句贈之

骨相元非食肉姿老來端合卧茅茨愛君憂國難忘處只有金生慧眼知

博山道中取酒命家僮酌陳三翁夫婦墓

竹裏茅茨慨昔年往來頻此駐行軒陳翁何處埋秋草盃酒能無到九泉

攝生吟二首

不用安排竈與爐踢翻爐竈是工夫氤氳天地迴旋處箇是堯夫安樂窩

舉念調息息轉粗無心攝念念自靜不教一物到胸

中息息歸根爲復命

夏東巖先生詩集卷之五

夏東巖先生詩集卷之六

七言律詩

觀書有感

著述紛紛未肯停
化工誰妙入丹青
寸心不死歸羣
聖萬古如新是六經
依做語言非實見
銷磨歲月只
虛名從前枝葉須
刊落日味微言養性靈

次冰谿先生韻二首

病卧經年不下樓
眼中榮辱付浮漚
花時好鳥頻來
語雲處竒峯忽露頭
詩句定收高士傳
塵埃不逐去
官舟北牕睡起問
開卷看到忘言意
轉悠

長空高靄淡霏霏病却閒推樓上扉梅占陽波開出
早笋當隙地迸來肥日烘曉樹花如醉水决春渠魚
欲飛與告歸尋林下樂宦情豈爲一官微

東巖即事

南北峰高通上台東巖正在白雲隈非關泉石客人
到自是琴書促我來地爲無塵朝懶掃牕因留月夜
常開雲山滿日皆堪樂日把新詩次第裁

遊方廣寺

禪關幽敞傍山開滿日雲霞愜素懷魚躍淺池拖荇
帶鶴搏深樹落松欵山僧愛菊栽當戶野鳥將雛行

近階試問東楹如有地共誰取竹起書齋

次周廷藩韻

易學知君已有傳窮探如上萬層巔微言誰到七分
外妙契能窺未畫前天地精華胎品彙聖賢芳潤發
遺編題詩非故翻君案斯道愁人說妙玄

次劉仲素韻二首

東風宜醉更宜醒卧看虛牕月滿櫺白鳥澄江空泛
泛青山終古自亭亭睡魔不擾希夷夢詩瘦偏生老
杜形偶與山僧分半榻一春高卧篔簹紋平

燈下看書兩眼醒月移疎樾暗牕櫺藏春老却崔家

東坡詩集卷之六
塢妙墨空存孫氏亭黃鳥有時來好韻青山隨步變
奇形年來悟得環中意心與寒潭一樣平

次劉仲素春雨即事韻

空山乍見水雲浮注目禪關事事幽萬頃蒼原迷雨
脚千家黃犢在犁頭杏花消息眠方覺燕子生涯坐
見周從此太平應有象不妨吾輩在林立

清湖舟中

煙光靄靄逐江流江上雲連萬木稠病卧兼旬慵出
戶山行半日喜逢舟殘春已過蠶當月積雨初晴麥
半秋卧聽漁歌清遠浦始知吾志在滄洲

春江閑眺

白晝光風滿布袍偶尋江閣度江臯山當盡處遠峰
出水到深時斷岬高舊隱已經荒薜荔春江又見長
萋蒿無言獨步滄洲外應恐鳧鷖笑我勞

次一之姪步月韻

坐待東林片月生一天涼露逼人清行隨流水餘三
里吟對青燈下五更莫把身爲妻子累要將心與聖
賢盟尋常風月閒中趣周邵風流萬古情

次劉仲素韻

雨氣沉沉晚未收土膏潤入豆苗稠沙村水長洲餘

東坡詩集卷之六
三
脊江寺雲屯塔露頭簷撲殘螢踈影淡林棲濕鳥衆
聲咻炎應此夜宜燈火酒盡東樓月上鈎

次潘德夫與友論詩韻二首

詩從刪後更無詩此語多應欠致思自古文章關所
養浪云高下係於時淡中求味方知味拙處藏竒始
見竒欲識少陵窠臼處請看雲在意俱遲

秋到乾坤都是詩那禁俗物敗人思自從先聖一刪
後直到晚唐三變時山谷有懷應待境退之何事厭
求竒文章我欲希名世落筆從渠得句遲

次婁野亭約遊韻

利欲能干靜裏心道非綿力可能任哲人緒論粗聞
昔老我顛毛忽到今行次有亭兼曠與旅中無計謝
披吟相期不棄師門舊活水源頭肯一尋

寓蓮塘自勉

蟄處寒窓幾載餘埋頭空自讀儒書光陰轉轂時將
邁身世浮萍業寢踈靜裏操存功欠密動中酬應事
多拘從今緊着加鞭力敬義須當兩最諸

用董給事韻送蔡從善

收我琴書閉我關紅塵飛不到松間先生俎豆心逾
切小子風波興易闌流水無聲空散木白雲隨處見

靈山我歌恨不隨君去萬仞峰頭試一攀

用韻寫山居之樂

野人家住白雲關萬古風煙一嘯間
細帙抽來頻自檢山牕坐到不知闌
園開小築多臨水囊有新詩半說山
今日一樽君肯過堦前盧橘正堪攀

和劉仲素贈貴菴上人韻

亂雲堆裏萬山藏中有高僧日閉房
種竹齊眉堪截杖養龜盈尺解支床
閑開藥裹依朝爽靜對爐熏坐晚涼
讀罷楞嚴出門去群峰滿眼佛頭蒼

詠洞前流水錄寄祝生勉之

洞前流水洞前流洞裏書生靜處脩
信是本源無一息莫將道體更他求
有形可覩無形妙今日應同昔日遊
識得顯微元不問此心此理日相酬

贈呂祖邦

虛堂草色照青春看雨堦前話轉新
可喜有懷能脫俗何愁無句不驚人
來今往古同斯道柱地擎天只此身
冰玉况聯吾弟羨早將清潤出風塵

夜飲胡戶侯廳事踵一齋先生韻

載歌一曲醉當筵賓主相看興浩然
酒注金尊沉夜月香燒石鼎起寒煙
棋枰對客消長夜韜畧囊錐喜

東坡詩集卷之六
壯年我亦留心磨一劍敢誇霜刃倚長天

下第歸興

歲暮驅車萬里餘行囊添得幾編書御溝流水隨人
遠驛路開花笑客愚抱璞不須悲楚卞囊沙終可破
龍沮丈夫得志寧論晚好步從來戒疾趨

至日寓金陵思家

南來又復一陽初北去知應逼歲除苦厭髭鬚妨寢
食慣隨日月走舟車宦情漸向思親減鄉夢時從憶
舊紆自是欲歸歸未得就人燈火寫家書

移寓鷄鳴寺次杜右之韻二首

城外千峰雪盡消古祠蒼檜淨干宵小樓終日人誰
到孤坐無言興自饒載酒相尋同勝友檢書閑話及
當朝山僧也識吾人趣月下松門任客敲

雨邊寒氣已全消淡淡晴雲弄碧霄靜愛樓居穿寺
僻幽憐野色入春饒坐忘芳草逢佳士閑對春山話
六朝眼底好詩拈不起東風自與物推敲

同劉元素登憑虛閣翫月適有飲於僧之丈室
者聞予歌聲即移席閣上延予兩人坐馬對
月同酌夜分而去元素坐間朗誦所和許鄞
州中秋詩因次韻以紀其事云

東坡詩集卷之六
明月光生此夜圓，况凭高閣淨風煙。星辰下照疑無地，河漢西流欲盡天。喜有可人來共賞，更移芳席坐當前。不知丁卯橋頭夜，還有清光似昔年。

九日登鷄鳴寺塔次劉元素韻

共出支撐萬仞高，元龍百尺未爲豪。海隅日照他山石，天末雲生何處濤。遠客無人能送酒，故鄉此日謾分糕。紫陽勝集孤踪渺，還有長風吹布袍。

題東紅卷

明道真爲百世師，德容千古有餘輝。每看曉日明窓處，如在春風拂座時。靜裏工夫滋夜氣，閑來消息妙

天機。尋常此景今猶昔，只許心中無事知。

監歸喜潘德夫見過

半年蹤跡寄江城，歸話僧房倍有情。山大數聲秋夜寂，松風一榻夢魂清。歌殘庭外三更月，講盡床頭半卷經。燈火與君須自勉，共搏鵬翮奮滄溟。

除夕寓彭城次葉朝信韻

萬里扁舟偶共行，經旬已歷數州城。寒隨冰去全無力，春向梅歸似有盟。夾岬笙歌從遠近，滿川樓櫓自縱橫。雲龍山下明朝路，又是征帆第一程。

登第後冰谿婁先生以詩來賀用韻奉復

東坡詩集卷之六
五十侵尋何所聞，偶將狂瞽誑明君。
時來也際風雲會，老去慚追鶴鷺羣。
和靖肯忘程子教，侯巴終守太玄文。
却憐斗粟淹吾駕，羞向紅塵問白雲。

觀政棘寺和同年張孟復韻

庭草潛滋宿雨長，風簾不動午陰涼。
恩沾半俸知何補，政許傍觀覺漸忙。
閑閱讞辭消永晝，倦吟詩句漱餘芳。
相期各奮平生志，莫負今朝共此堂。

哭劉元素歸觀

弱冠相隨直到今，平生惟我最知心。
閑居盡欲追先哲，獨宿真無愧此衾。
遺稿收來秋夜冷，旅魂歸度楚

江深遙知十八山，頭月只有清光照墓林。

送劉閣老賜歸展墓詩

屢上封章乞賜骸，丁寧天語惜賢才。
暫教展墓辭東閣，賸有餘光照夜臺。
碑刻已成歐子志，里人重覩魏公回。
却思聖主恩難報，未許堂從綠野開。

贈余中之名誠通皇極數

浮議曉曉孰解紛，此翁有耳若無聞。
山中耒耜忘虞力，客裏琴書厭楚氛。
康節數應加一倍，伊川易且欠三分。
乾坤不礙閑舒卷，請把行藏問白雲。

次王南原顧東橋賞梅韻二首

東坡詩集卷之六
梅花如雪照晴春不厭橫枝礙幅巾幽賞潛通塵外
侶南原園開小徑恒與東橋往來暗香時惱定中人
南原有小齋置蒲團其中月移虬影從渠瘦冷透冰
肌肯自顰欲問西湖在何處南原新句也傳神
江南歲晚已知春一樹梅花兩幅巾戴雪欲移江上
棹臨風曾憶隴頭人畫梁不入詩家夢短笛能添客
子顰欲問西湖在何處東橋新句也傳神

次施聘之對菊韻二首

旋買新居旋種花不將凡物向人誇閉門得趣詩能
好喚客開樽興未涯一種清香凝露氣十年佳色照

霜華長安車馬風塵地能事幽尋有幾家

合瓦爲盤種菊花滿堂風致亦堪誇閑來自與花爲
主興到誰知生有涯一片不隨秋共減數枝真與露
爭華賞花肯惜囊中費底事無錢問酒家

次邃菴先生贈別詩韻

高風真不愧儒冠出處揆之道義安忠到陽城言可
待勇宜邵子退何難世機盡向閑中息道體須從靜
處觀歸去終南山色在巖中冰片玉生寒

次范邦秀對雪韻

迴風吹雪舞簷低竹下新開徑欲迷
牕幌潤沾停野

馬爐煙飄濕駐金猊登樓萬井春生樹倚棹千山月
漲溪吟對一樽歸去晚銀鞍行處謝街泥

遊天界寺

病起不知春已深桃溪柳徑欲成陰淺斟爲惜閑中
味勝集何孤靜裏心遂閣快登宜遠眺小亭閑坐愜
幽尋清吟未足哀歌起落日滄江自古今

飲劉士鳳賞菊因次韻

酒渴分江旋煮茶蟹螯風味入秋賒蒲團已習三年
靜籬菊能忘一笑譯盃泛落英清客座天留佳色照
詩家開官常領年華慣江上寒梅又欲花

郊祀齋居次諸公韻

禮曹風致憶諸公咫尺齋居恨莫通書漏每便孤榻
靜夜牕誰與一燈同遊絲遠駐爐熏外清露時聞鶴
夢中一敬自能前百慮豈無精意達蒼穹

歐弘夫月夜見過

試檢殘書對短檠堦除忽聽故人聲豈無公事縈心
切還有閑情向舊傾新製蟹螯整經夜熟近移叢菊過
秋清却嘆委巷通宵市安得清樽對月明

謝病次俞魯用韻

病催歸夢繞柴扉夢覺滄江又落暉覽鏡忽驚衰鬢

東坡詩集卷之六
改強顏真覺壯心違山齋何處懸蛛網野水經年啣
釣磯去去不須輕自棄黃金端合製琴徽

題素菴寄鄭伯興

曲徑高墉深復深滿庭花木自陰陰誅茅偶遂一丘
計習靜能回萬古心虛幌月來生夜白懸琴風度有
清音草玄亭亦知幽尚載酒何時許獨尋

次陳祠部韻

挿柳經年過屋高又看春色上新稍宦情淡覺身如
寄鄉思頗憐夢亦勞時序驚心傷往事故交轉眼異
分曹閑官飽食真何補慚愧當年舊布袍

送別陳友歸長沙

楊柳依依拂禁城曉風吹雨濕行旌幾年求仕遊京
國此日臨流別友生歸路已消芳草恨懷人方結暮
雲情閑中莫廢燈牕事遠器由來忌速成

冬至祀陵次同年伍朝輝韻

曉漏催殘鼓角聲後先聯轡上巖城仰看 列聖神
如在俯視重泉陽又生漢寢唐陵俱寂寞文昭武穆
自分明曾瞻 先帝龍顏近拜罷吞聲淚滿纓

遊靈谷寺途中偶成

數里煙蘿夾道幽萬松深處翠雲浮地如盤谷兩山

東坡詩集卷之六
合水比蘭亭幾曲流花逐酒盃同泛泛句留僧壁故
悠悠一樽不負清秋色緩轡何妨謾唱酬

遊牛首華巖兩宿諸公先歸與劉士鳳聯轡
羸馬愁看轍跡深不妨緩轡共閑吟數株老檜參天
立幾曲流泉觸石鳴行帳有僧供茗飲閑亭無犬吠
荒尋馮高莫問前朝事落日長江自古今

次商長官韻

仰穿幽徑夾叢篁松下孤亭六月寒共愛清歌騰碧
落不辭歸路逼昏黃青山有待還樽酒白首重來七
十霜勲業准從央俊立河梁携手意偏長

次人齋韻

故園聞說筭初苞塵事有繁不可拋細數落花穿柳
巷靜聞啼鳥度林梢携壺且盡今朝醉鼓棹明尋勝
處指杜老有詩終未古誰能搗破舊巢巢

和孫中書題金山韻

中流突見此山巔形勝魁竒自昔然
蜚氣騰空天欲雨鯨波拍岸畫生煙樓臺影落江心
草木香浮水國天今古有人題詠富憑誰載筆寫成
編

喜劉士鳳見過次金濟之韻

溽暑蒸人不可禁清風時喜拂瑤琴客來偶起北牕

卧坐久不知西日沉正苦朝霞頻作雨忽看新月已
橫參一樽賸欲留君住細向燈前話此心

遊虎丘寺

南歸計日莫遲留薄暮維舟向此遊斷石不知誰試
劍遠霞偏稱客登樓生公佛法誰傳誦和靖淵源孰
講求覽勝欲知今古事吳王宮殿已荒丘

過嚴子陵釣臺

世祖中興訪故人故人垂釣此江濱一天明月無瑕
翳萬古清風掃俗塵宜以賓師居保傅可將諫議定
君臣扁舟趨拜高堂下閑對先生笑白雲

次費子和見寄韻

叢菊經秋即麼黃樂魚亭上獨持觴蒼江流水從鷗
泛遠岫歸雲有鶴將家學特承黃閣老幽棲近在碧
山傍鄰居對雪遙相憶堦下寒梅又放香

飲蔡塢別墅再用前韻

山中霜蟹未全黃賴有黃花可泛觴靈運屐隨高嶽
陟放翁車遣小兒將名塲勘破千年外樂事尋歸半
百傍留取東籬三徑在明年還此對秋香

費鵝湖以詩見寄次韻復之

赤鳥同瞻霄漢迴小堂新傍帶湖開會當雪夜真成

勝詩到梅邊豈待催鏡裏行藏元未定飲中經濟且
閑裁憂深家國無言處一點丹心炳不灰

次劉仲素寫興韻二首

霜催烏柏浦村紅曳杖行吟錦步中盟入鷺鷥心共
遠氣吞湖海句增雄青山幾處添新塚白髮從來也
未公解組歸來欣有伴不妨相對詠秋風
山中生計未全貧綠野堂開絕點塵幾處黃花迎謝
履滿川紅樹照坡巾功名老去能欺我歲月閑居肯
貸人事到理明隨理去丈夫無欲氣長伸

末二句朱子成語因仲素有近來省事殊無

事贏得心閒氣自伸之句故假此道意

用韻貽一之姪二首

不是衰顏借酒紅偶無閑事到胸中養心學已安吾
拙用世才偏愧欠雄得失眼前看未定是非身後論
方公莫將佔俾從時好陋巷簞瓢有古風

素學相期肯爲貧經旬甑不厭生塵閑來應會環中
意老夫何慚頭上巾宣父豈爲忘世者堯夫真是打
乖人丈夫得志寧論晚尺蠖從來妙屈伸

用韻效堯夫體自遣

家藏萬卷未爲貧又喜幽居隔市塵大斃每因邀月

舉小車時爲賞花巾自慚未有十分學難作都無一
事人閑氣不須閑料理丈夫當以屈爲伸

貽周廷珍周子順輩遊東巖

早起能教冬日長山行水涉足徜徉層崖快覩心逾
壯絕境同登俗自忘傍日巖居屯宿靄通天石竇漏
斜陽緬懷嶽麓當年會彷彿神遊杖履傍

冰谿逮繫

十年堅不下樓居禍到家門豈自虞慷慨莫逃張儉
命愴惶誰受夏侯書蓋棺難定今朝事闔戶空存舊
日問偉矣一齋天下士百年宗祀竟何如

樓居謝客

欲收萬卷當良疇故傍幽林結小樓拙學本非遊說
客閑身豈是置書郵名能減福從人謗貧可延年敢
自謀寄語平生舊知己莫將閑事苦相求

普照寺述事

古屋翛然無近鄰每依禪榻托閑身雙松挺立如高
士古木槎牙閱世人坐接好山開綠野行穿清樾隔
紅塵白頭何補人間事喜有諸生日可親

題杉溪砥柱亭

拳石崇於灩澦堆
處亦崔嵬千尋砥柱摩空

出萬頃狂瀾一望回携酒坐臨鷗上酌杖藜吟傍雨
邊來杉江也似桐江好遙憶嚴陵舊釣臺

過上瀘余氏得觀先世宋參知政事遺像及誥
勅賦此致景仰之意

瓜瓞綿綿奕世隆吉人遺澤浩難窮豈無謏議裨秦
檜也向詞林識晦翁隱約丹青留劍佩輝煌綸綍見
勲庸千年翁仲荒煙外猶有祥雲覆閟宮

承乏惠州聞羅浮近在境內喜而有作

已將蹤跡托雲關底事驅馳不自閑作郡未能諳遠
俗披圖且喜得名山蒼顏白髮雖來暮翠壁丹崖尚

可攀欲就匡廬尋勝事考亭源委共誰探

遊龜峰奉次豐山先生韻

三十二峰高復高登臨今古總賢豪層層翠壁迴丹
壑隱隱天風送海濤投老自憐雙足倦尋幽能惜一
筇勞詩成謾向吾兒讀萬丈梯雲爲染毫

俞純夫落第南歸得見陽明先生遂焚引歸即
巖居其志可謂決矣因次所誦陽明詩韻寄
之幸勿謂老生常談見外也

道理平鋪本自明直須收斂見精英獨慚拙學違初
志更覺殘齡畏後生義利兩途須早判知行偏廢豈

東坡詩集卷之六
能成孔顏樂處平平地不出虞廷敬畏情

侍御李子芳遣人索債一之姪而寄詩于予次

韻復之

索債人將佳句來臨緘愁對阿咸開貧如原憲真成
病租到潘郎未可催三徑無資慚我拙一金遺贈待
君裁賢哉柱史庸非達司契何如付燼灰老子云上
德司契謂司其契不責其實

呂岑山輓卷

偶接封題墨未乾尊前無復見君顏共推川上爲官
好不信人間行路難青瑣有人收諫草白雲何處夢

巾山獨余樗散深村裏誰與嬉遊共往還

和王子揚韻子揚諱激温州人

吉水令王子揚在場屋得一之五策亟欲薦
之主司搜檢初場不見嘆惜久之場中賦近
體一章出示一之予去秋在吉水得見子揚
知爲有道之士因次其韻俟便錄寄致願交
之意云

山家秋暮急清砧千里懷賢有夢尋五策未紓寒士
志一詩真見故人心他鄉每恨逢君晚此道應知着
意深勲業准從英俊立莫教華髮滿朝簪

送周生宗正會試北上

幾年共聽巖前雨此際長驅萬里風
白日行空看天馬青霄儀羽羨
逵鴻孔顏蘊藉陶鎔後伊呂經綸指
顧中勿作平生溫飽計男兒到此始
英雄

三衢官舍次施聘之壁間韻

萬古清江帶郭斜寺鐘譙鼓競敲
搗青山到我方成癖黃紙催人又
別家雨過空庭生晚吹夢回殘月起
悲笳太湖傲吏真堪羨何處芳樽對
藕花

遊靈巖

路入窮山一逕長豈知人世有仙鄉
竒石巖空開玉

苟寒泉穴地漱壺酒高僧傑閣臨
看木今古名碑滿畫廊欹枕夢回心
似洗卧看涼月到禪床

九日登濟南城樓見兩司諸公在千佛寺往從之遊同飲峰頂

不用登高送遠眸小樓開處亦堪遊
湖山信有江南意琴奕能消萬古愁
丹壑遠尋塵外侶黃花慣上客邊頭
他山更有明朝約絕頂何妨共唱酬
時梁長史

約次日登華不住峯

次邊大叅東阜韻

使君問俗渡濠陰獨夜懷人思不禁
行處酸風吹面

東坡詩集卷之六
急望中積雪擁泥深青山并入還家夢白髮能忘報
主心歲晚歸來聊共坐春盃何處共登臨

首春復用東阜韻

即看春滿濟河陰幽興撩人不自禁書課偶從年到
歲時諸生俱請假度歲酒盃偏覺老來深桃符句勝
詩人宅爆竹聲頻稚子心雪後湖波晴更好誰家亭
上快登臨

除夕次蕭雲盤韻

吏散庭空晝漏殘了無應事可相干不辭此夜同燈
火喜入春風詠菹蘭歲逐新符驚屢換老同陳曆待

誰看相知賴有蕭郎在維鐸應無廢樹檀

入滁志喜

迂踈羸得此身閑向老逢辰古亦難拙學可能酬素
志轉官隨處有名山羅浮未到心先醉泰嶽回瞻興
不闌千載醉翁亭尚在琅琊深秀好躋攀

早春即事

東人懶事訟庭詞門館清虛白晝遲野雀跳階爭鶴
粒村童歸市趁燈期寒歸冰片全消處暖透桃花欲
動時却憶故園池草畔少年羣從也能詩

滁學陳一鴻以詩見餉次韻復之陽明官太僕

時一鴻輩嘗從之講學官舍

杏壇盟遠未應寒也信從來取友端道在吾心元自足事當爲處敢辭難漱殘芳潤方知孔語欠精詳或病韓寄語同袍二三子知行並進始能安舊講堂存跡未寒更招諸彦上臺端驚濤有岬回頭是末路多岐信步難吾道自當尊孔孟世儒容已入申韓六經炳若丹青在擬共將心向此安

獨坐環山樓偶成

倦拋書卷倩人扶坐看多情日又晡山水亭臺歸永叔柳梧風月伴堯夫環臺俱柳梧園林少憇疑真

家釀新芻賽市沽太極有窩今已廢靜中消息本難圖臺下舊有太極窩

三衢公館復用施聘之壁間韻

解組歸來暮景斜村村社鼓隔林樾羞將白髮供人事喜見青山近我家老眼也能諳舊路郵童安用導清笳逢人問訊東籬在携取幽人就菊花時與金陵

曹正夫同行

婁容善以詩見寄次韻答之二首

清時蹇蹇愧王臣脫却朝衣混俗塵愛與鄰翁談往事不教稚子候歸人別開小築當喬木又見春風長

東巖詩集卷之六
碧筠雨後嚴陂煙浪渺好來相對坐垂綸
迂踈也忝兩朝臣歸卧雲山隔市塵捫虱懶談當世
事弄丸元是打垂人綠陰庭院啼黃鳥青水池塘漾
碧筠汎掃茅齋時獨坐箇中消息是經綸

題白沙集後

嶺海誰希賢聖蹤白沙真有古人風養親不就招賢
祿論學專歸主靜功冷焰忽騰千載上微言聊寄數
聯中只愁說到無絃去却與程朱議不同

貴溪黃一敬過訪用前韻贈之

窮鄉何處覓芳鄰喜有君來起病身甯戚豈爲忘世

者泰山宜有托婚人貧能樂道斯爲貴事不縈心自
出塵末學支離君莫問聖賢方策好相親

對雪有感兼懷一之時往東浙未回

小築新成更絕塵閉門孤坐養吾真年高杜甫空憂
世才短楊朱合愛身歲晚松筠能獨立天寒鷄鶩自
相親鄰翁何處衝風雪一度思之一愴神

高廳爲劉東臯題

綠野堂從高處開簷牙遙寄白雲隈不將筋骨供人
事早把行藏付酒盃木末遠峰當戶立雨邊飛瀑入
廳來千年清獻名堂意安得東坡善賦才

病中擁衾默坐用杜韻

病擁寒衾坐短床絕勝數墨與尋行偶忘俗慮縈心
曲時有梅花入鼻香投老近營新棟宇迎春聊整舊
社裳乾坤浩蕩無今古晝夜推遷自短長

病起讀書用前韻

病骨經年已下床華顛羞入丈人行乾坤氣應葭灰
動賢聖心留汗竹香浮世轉看真夢幻餘生能不負
冠裳床頭幸有殘編在且喜齋居日漸長

園屋又坐出與諸生郊遊賦此

老去竹心與世酬小園閒處足忘憂綠陰庭院宜深

坐芳草郊原快晚遊佇立沙堤觀逝水行吟松徑聽
鳴鳩共知與點當年意且喜微疴日漸瘳

曩以拙作寄朱汝揚辱共和韻復用韻答之

當年詩社共賡酬此日情懷多隱憂故友半從泉下
去好山疑在夢中遊夔約拜容善基冀與一會未果
養高未信清如鶴用短應知巧似鳩汝揚詩云君已
孤高真似鶴我慚一拙只如鳩林下一枝今已定可
堪民瘼未全瘳

江山姜子芳由合江令陞北曹秋官主政予往

報謁歸餞里之黃塘裁此贈之

惜別慙慙破曉來一樽頻向晚涼開君期積雨留人
住天與清陰送我回展席坐依喬木下吟風歸卧白
雲隈不知此別何時會應有芳聲快老懷

對酒寫懷

獨處林廬自養心不將閒氣損天真園蔬漸長堪留
客家釀新芻亦可人紅葉受霜晴更好黃花得雨晚
逾新尋常賸有天然趣不負淵明頭上巾

明德堂敬次朱晦翁白鹿洞韻示子姪兼東諸

友

草堂新僭碧山成願共諸郎以道鳴立志便須分義

利傳心友許議明誠微言盡向閑中會大業端從敬
裏生寄語同袍二三子壯懷應不負初盟

山君春日即事

小軒開傍竹林邊雨後山光更可憐新製藥欄當怪
石近移藤架覆鳴泉氣蒸羣動晴逾沸露浥閑花煖
欲燃樓下讀書樓上卧夢回春思獨悠然

與一之姪對坐

每約鄰翁坐草堂等閑又盡一爐香行吟更覺幽居
好坐睡不知清晝長寡欲漸看心自靜無言應與世
相忘傳家幸有遺編在時與慙慙說數章

贈排山周世用天錫

故人相見總綢繆喜共山齋兩日留
蒼溟未收君莫去市酤雖遠我能求
非才何補當時事拙學難爲後輩謀
勘破浮生蕉鹿夢閑愁那得上眉頭

周廷珍寄詩比舊殊勝喜慰之至次韻復之
首山庖誰問食無鹽兩足園蔬味更甜
已分酒盃隨量減獨餘詩債逐年添
清憐語鳥交臨屋閑愛飛雲巧度簾
佳蔭滿窓涼似洗病移孤榻下樓眠

窮居端不厭葷鹽也愛魚羹處處甜
心到靜時元自足事于分外豈容添
露滋苔色朝凝砌日轉槐陰晚

上簾每約鄰翁來共語澹然相對兩忘眠

載道文如水着鹽味回橄欖十分甜
也知絕學由心得自是今人向外添
老去息交常閉戶病來習靜半垂簾
相期努力崇明德宣父慙慙戒晝眠

用韻貽一之姪

當年曾學販魚鹽歲晚安貧味自甜
病日漸看塵慮少老懷應喜稚孫添
暑中延坐頻移杖靜裏焚香不下簾
道在吾心元自足華山誰伴白雲眠

暑氣既退復移榻樓上用前韻

盤中那有水晶鹽糲飯寒道也自甜
勝友不期連日

至好懷無事與時添獨憐幽草生當戶閑愛飛花舞
隔簾雨過空山秋氣爽避誼聊復上樓眠

往歲周宗明卧病嘗賦詩調之今予病卧數月
宗明次韻見寄用韻復之

負痾終日卧山房遙憶松前點也狂已分酒盃花下
覆獨憐書卷篋中藏人間自有調元手海上應無換
骨方何日携琴尋舊約團源溪上共徜徉

與一之姪憇溪亭用前韻二首

兒曹新構水邊房已減狂夫一半忙把釣不妨開
俯仰閉門聊此托行藏緣情延選成詩句多病尋常檢

藥方坐愛簷前風日好忘機鷗鷺共徜徉

紅塵飛不到山房老態多因酒借狂萬慮漸從閑處
減寸心聊向拙中藏清風明月為三友碧水丹山自
一方安得生逢陶靖節無懷世上共徜徉

雪中用東坡韻二首

風迴庭院舞纖纖寒入重裘晚更嚴來歲定占湯有
餅窮鄉敢嘆食無鹽玉山璀璨圍高閣冰柱敲鏗落
畫簷興到欲賡蘇子句凍毫呵護數莖尖

雲低薄暮集飛鴉少婦朝來駐紡車日逗簷牙餘凍
溜風經林杪墮危花書空杜甫非耽句掃跡袁安只

東巖先生詩集卷之六終
臥家底事古來存老馬路迷隨處有三义

東巖先生詩集卷之六終

東巖先生文集跋

先生之學心學也學原於心心統性情故著爲論
議發爲聲歌咸得其正推而極之位育之功在是
矣賓生也晚蚤歲侍先生之門未悉其要領既而
育成均稍知蹊徑歸而求之未踰年先生逝矣幸
賴遺言猶存將披其手錄以溥先生之傳於不泯
第數年奔走江淮弗克成編適

大冢宰栢泉胡公督撫江右倡明斯道以聖賢之心
爲心嘉先生之學爲斯道正脉迺求其素所論議
聲歌者彙而集之以開來學命邑尹斯君謀於賓

而梓之賓不才黽勉校刊庶覩是編者可以得其
心矣嗚呼道曠百世而相感况於親炙之者乎謹
叙簡末以識其成

嘉靖丙寅秋望邳州判子婿劉賓頓首百拜謹跋

後跋

右夏東巖先生遺集二卷愚得而伏讀之蓋
思誠之學求合乎天人之實者也先生純雅
天成造詣淵粹始從游於婁一齋翁之門聞
吳康齋篤行之要既而就正於丁補齋翁益
信朱子所學是爲聖脩之則是故學不求誠
不可以語性而行不求踐其實不可以語學
也及其學成而醇行脩而篤要之皆信乎古
而足乎其心之所安亦惟曰學求之敬而已

身藏集 卷之二
矣謂兢兢業業此是堯舜氣象謂常常提醒
此心便是顧諟天之明命此聖學通乎古今
人心而一之者也其意味有陶靖節之風而
冲淡不失其正有尹和靖之節而端慤自遂
其高於先生出處言論槩之二賢可以考其
全乎愚嘗見先生駕部時今睹其集刻成而
敬跋之此并復於金麓劉少府云

隆慶元年夏五月之吉郡人近菴桂榮跋

